

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), a u skladu sa članovima 33. i 46. Zakona o izvršavanju Budžeta Zeničko-dobojskog kantona za 2022. godinu („Službene novine Zeničko-dobojskog kantona”, broj: 1/22 i 14/22), na prijedlog Ministarstva zdravstva, Vlada Zeničko-dobojskog kantona, na 169. sjednici, održanoj dana 25.08.2022. godine, d o n o s i

ZAKLJUČAK

o usvajanju Programa utroška sredstava planiranih u Budžetu Zeničko-dobojskog kantona za 2022. godinu na poziciji „Ostali transferi za zdravstvo - Tekući transfer zdravstvenim ustanovama za sprečavanje širenja bolesti izazvane korona virusom - COVID-19“ Ministarstva zdravstva

I.

Usvaja se Program utroška sredstava planiranih u Budžetu Zeničko-dobojskog kantona za 2022. godinu („Službene novine Zeničko-dobojskog kantona”, broj: 1/22 i 14/22) na poziciji „Ostali transferi za zdravstvo - Tekući transfer zdravstvenim ustanovama za sprečavanje širenja bolesti izazvane korona virusom - COVID-19“ Ministarstva zdravstva u iznosu od 1.450.000,00 KM (slovima: jedanmilioničetiristotinepedesethiljada konvertibilnih maraka), koji čini sastavni dio ovog zaključka.

II.

Sredstva planirana Budžetom Zeničko-dobojskog kantona za namjene predviđene ovim zaključkom realizovat će se isključivo u skladu sa realizacijom ostvarenih javnih prihoda u Budžetu Kantona.

III.

Zadužuju se Ministarstvo zdravstva i Ministarstvo finansija da realizuju ovaj zaključak, svako u okviru svojih nadležnosti.

IV.

Zaključak stupa na snagu danom donošenja, a stavlja se van snage Zaključak Vlade Zeničko-dobojskog kantona broj: 02-11-3870/22 od 10.03.2022. godine.

PREMIJER

Broj: 02-_____/22
Datum, 25.08.2022. godine
Z e n i c a

Mirnes Bašić

DOSTAVLJENO:

1x Ministarstvo zdravstva,
1x Ministarstvo finansija,
1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZDRAVSTVA**

**PROGRAM UTROŠKA SREDSTAVA
PLANIRANIH U BUDŽETU ZENIČKO-DOBOJSKOG KANTONA
ZA 2022. GODINU
NA POZICIJI „OSTALI TRANSFERI ZA ZDRAVSTVO - TEKUĆI TRANSFER
ZDRAVSTVENIM USTANOVAMA ZA SPREČAVANJE ŠIRENJA BOLESTI
IZAZVANE KORONA VIRUSOM - COVID-19“ MINISTARSTVA ZDRAVSTVA**

Zenica, avgust 2022. godine

I UVOD

1. Pravni osnov

U skladu sa članom 33. stav (2) Zakona o izvršavanju Budžeta Zeničko-dobojskog kantona za 2022. godinu („Službene novine Zeničko-dobojskog kantona“, broj: 1/22 i 14/22), sredstva utvrđena u razdjelu 21, budžetska organizacija 01, potrošačka jedinica 0001, Budžeta Ministarstva zdravstva, ekonomski kod 614100, pozicija „Tekući transferi drugim nivoima vlasti“, koristit će se prema programima utroška, koje donosi Vlada Kantona.

U skladu sa članom 46. stav (1) Zakona o izvršavanju Budžeta Zeničko-dobojskog kantona za 2022. godinu, Ministarstvo zdravstva predlaže Vladi Zeničko-dobojskog kantona program utroška sredstava iz člana 33. navedenog Zakona, a stavom (3) istog člana Zakona propisani su bitni elementi programa: naziv programa, svrha programa, visina sredstava, izvori iz kojih će se finansirati, kriterij i naziv pravnog ili fizičkog lica koje prima transfer.

Vlada Zeničko-dobojskog kantona, na prijedlog Ministarstva zdravstva usvojila je Program utroška sredstava planiranih u Budžetu Zeničko-dobojskog kantona za 2022. godinu na poziciji „Ostali transferi za zdravstvo - Tekući transfer zdravstvenim ustanovama za sprečavanje širenja bolesti izazvane korona virusom - COVID-19“, broj: 02-11-3870/22 od 10.03.2022. godine u ukupnoj vrijednosti 2.000.000,00 KM.

Izmjenama i dopunama Budžeta Zeničko-dobojskog kantona za 2022. godinu („Službene novine Zeničko-dobojskog kantona“, broj: 14/22), planirana sredstva na ovoj poziciji utvrđena su u iznosu od 1.450.000,00 KM.

Imajući u vidu smanjenje planiranih sredstava sa 2.000.000,00 KM na 1.450.000,00 KM, Ministarstvo zdravstva predlaže Vladi Kantona da usvoji Program utroška sredstava planiranih u Budžetu Zeničko-dobojskog kantona za 2022. godinu na poziciji „Ostali transferi za zdravstvo - Tekući transfer zdravstvenim ustanovama za sprečavanje širenja bolesti izazvane korona virusom - COVID-19“, a prethodni Program usvojen Zaključkom Vlade Kantona broj: 02-11-3870/22 od 10.03.2022. godine stavi van snage.

2. Naziv Programa

Sredstva tekućih transfera za zdravstvo sa pozicije Ministarstvo zdravstva Zeničko-dobojskog kantona koristit će se po programu pod nazivom:

Program utroška sredstava planiranih u Budžetu Zeničko-dobojskog kantona za 2022. godinu na poziciji „Ostali transferi za zdravstvo - Tekući transfer zdravstvenim ustanovama za sprečavanje širenja bolesti izazvane korona virusom - COVID-19“ (u daljem tekstu: Program).

3. Ciljevi Programa

Cilj donošenja Programa je finansijska pomoć zdravstvenim ustanovama u uslovima pandemije uzrokovane virusom COVID-19. Imajući u vidu da je pandemija ušla u treću godinu, kao i činjenicu da je epidemiološka situacija u 2022. godini povoljnija u odnosu na prethodne dvije godine, te da je u prethodnom periodu nabavljena značajna medicinska oprema za potrebe

bolnica, akcenat je na obezbjeđenju dovoljnih količina testova, potrošnog materijala za testiranje, zaštitne opreme, dezinfekcionih sredstava i drugih dodatnih materijalnih troškova, kako se ne bi ugrozio kontinuitet u pružanju zdravstvenih usluga.

4. Izvori sredstava

U Budžetu Zeničko-dobojskog kantona za 2022. godinu na razdjelu 21, budžetska organizacija 01, potrošačka jedinica 0001, Budžeta Ministarstva zdravstva, ekonomski kod 614100, pozicija „Transferi drugim nivoima vlasti“ planirana su sredstva u iznosu 4.064.500,00 KM, a u okviru ove grupe transfera na poziciji „Ostali transferi za zdravstvo - Tekući transfer zdravstvenim ustanovama za sprečavanje širenja bolesti izazvane korona virusom - COVID-19“ planirana su sredstva u iznosu od 1.450.000,00 KM.

Sredstva će se realizovati donošenjem Programa i odluka Vlade Zeničko-dobojskog kantona o odobravanju sredstava, a prema operativnim planovima potrošnje usklađenim sa procentom ostvarenja javnih prihoda, osim u slučajevima odobrenim posebnom odlukom Vlade Kantona.

5. Korisnici Programa

Korisnici sredstava planiranih Programom su JU Kantonalna bolnica Zenica, JU Opća bolnica Tešanj, JU Institut za zdravlje i sigurnost hrane Zenica i javne zdravstvene ustanove primarne zdravstvene zaštite - domovi zdravlja sa područja Zeničko-dobojskog kantona. Navedena sredstva predstavljaju pomoć zdravstvenim ustanovama zbog dodatnih troškova koje zdravstvene ustanove imaju po osnovu nabavke dodatne zaštitne opreme, dezinfekcionih sredstava, PCR i brzih AG testova, potrošnog materijala za PCR testiranje, medicinskog kisika, lijekova, provođenja vakcinacije i drugih materijalnih i nematerijalnih troškova koji su u funkciji sprečavanja širenja zarazne bolesti i liječenja COVID-19 pozitivnih pacijenata.

6. Kriteriji za raspodjelu sredstava

Uzimajući u obzir činjenicu da je pandemija ušla u treću godinu, kao i neizvjesnost u pogledu okončanja pandemije, te epidemiološku situaciju, sredstva planirana za pomoć zdravstvenim ustanovama bit će usmjerena na obezbjeđenje sredstava za pokriće troškova neophodnih nabavki koje nemaju kapitalni karakter. Pri raspodjeli ovih sredstava vodilo se računa o svim ranije odobrenim sredstvima zdravstvenim ustanovama, kako iz Budžeta Zeničko-dobojskog kantona, tako i od viših nivoa vlasti.

Raspodjela planiranih sredstava je utvrđena u sljedećem omjeru:

1. Dio sredstava u iznosu od **1.000.000,00 KM ili 69,0%** ukupno planiranih sredstava raspoređen je dvjema bolnicama na način da se 77,7% ovog iznosa ili 777.450,00 KM odnosi na JU Kantonalna bolnica Zenica, a 22,3% ili 222.550,00 KM odnosi se na JU Opća bolnica Tešanj.
2. Dio sredstava u iznosu od **400.000,00 KM ili 27,6%** planiranih sredstava raspoređen je javnim ustanovama primarne zdravstvene zaštite (domovi zdravlja).
3. Dio sredstava u iznosu od **50.000,00 KM ili 3,4%** planiranih sredstava raspoređen je JU Institut za zdravlje i sigurnost hrane Zenica.

Raspodjela sredstava domovima zdravlja je urađena na način da je svim domovima zdravlja opredijeljen linearni iznos od po 10.000,00KM (ukupno 120.000,00 KM), a preostali iznos od 280.000,00 KM raspoređen je srazmjerno broju stanovnika koji gravitiraju svakom domu

zdravlja na području Zeničko-dobojskog kantona, a prema broju stanovnika preuzetih iz publikacije „Zeničko-dobojski kanton u brojkama“, (Sarajevo, 2022. godine), koju izdaje Federalni zavod za statistiku, u kojoj je na strani 12. data procjena ukupnog broja stanovnika po starosnoj strukturi sa stanjem 30.06.2021. godine.

Grad/Općina	Broj stanovnika
Općina Breza	13.230
Općina Doboju Jug	4.062
Općina Kakanj	36.719
Općina Maglaj	22.377
Općina Olovo	9.048
Općina Tešanj	43.797
Općina Usora	6.274
Općina Vareš	7.501
Grad Visoko	38.670
Općina Zavidovići	34.717
Općina Zenica	108.278
Općina Žepče	29.612
Ukupno	354.285

II PROGRAM

1. Finansijska sredstva za pokriće dijela troškova koji su u funkciji sprečavanja širenja virusa COVID-19 u bolnicama - planirana sredstva 1.000.000,00 KM

1.1. Finansijska sredstva za pokriće dijela troškova koji su u funkciji sprečavanja širenja virusa COVID-19 u JU Kantonalna bolnica Zenica - planirana sredstva 777.450,00 KM

Početkom 2022. godine došlo je do pogoršanja epidemiološke situacije, te je evidentiran veći broj zaraženih pacijenata, povećan je broj testiranja, odnosno iskazane su veće potrebe za PCR i AG testovima i potrošnim materijalom za testiranje.

U skladu sa Programom utroška sredstava planiranih u Budžetu Zeničko-dobojskog kantona za 2022. godinu na poziciji „Ostali transferi za zdravstvo - Tekući transfer zdravstvenim ustanovama za sprečavanje širenja bolesti izazvane korona virusom - COVID-19“, broj: 02-11-3870/22 od 10.03.2022. godine, Vlada Zeničko dobojskog kantona donijela je Odluku o odobravanju sredstava broj: 02-11-4971/22 od 25.03.2022. godine, kojom su odobrena sredstva JU Kantonalna bolnica Zenica u iznosu od 377.450,00 KM za pokriće troškova nabavke PCR testova za detekciju COVID-19, AG testova i potrošnog materijala za testiranje u 2022. godini. Prema Izvještaju o utrošku odobrenih sredstava JU Kantonalna bolnica Zenica broj: 01-04-5736/22 od 02.08.2022. godine ukupni troškovi za nabavku PCR testova, AG testova i potrošnog materijala za testiranje u periodu januar - juli 2022. godine iznose 164.813,93 KM.

Preostala planirana sredstva u iznosu od 400.000,00KM predstavljaju finansijsku pomoć JU Kantonalna bolnica Zenica za pokriće dijela materijalnih i nematerijalnih troškova koji su u

funkciji sprečavanja širenja virusa COVID-19 i liječenja COVID-19 pozitivnih pacijenata, a prema prioritarnim potrebama koje će utvrditi ova zdravstvena ustanova, nakon usvajanja Programa.

1.2. Finansijska sredstva za pokriće dijela troškova koji su u funkciji sprečavanja širenja virusa COVID-19 u JU Opća bolnica Tešanj - planirana sredstva 222.550,00 KM

U skladu sa Programom utroška sredstava planiranih u Budžetu Zeničko-dobojskog kantona za 2022. godinu na poziciji „Ostali transferi za zdravstvo - Tekući transferi zdravstvenim ustanovama za sprečavanje širenja bolesti izazvane korona virusom - COVID-19“, broj: 02-11-3870/22 od 10.03.2022. godine, Vlada Zeničko dobojskog kantona donijela je Odluku o odobravanju sredstava broj: 02-11-4972/22 od 25.03.2022. godine, kojom su odobrena sredstva JU Opća bolnica Tešanj u iznosu od 172.550,00 KM za pokriće troškova nabavke PCR testova za detekciju COVID-19, AG testova i potrošnog materijala za testiranje u 2022. godini.

Prema Izvještaju o utrošku odobrenih sredstava JU Opća bolnica Tešanj broj: 5106/22 od 12.08.2022. godine ukupni troškovi za nabavku PCR materijala za testiranje u periodu januar - juni 2022. godine iznose 49.552,77 KM, uz napomenu da troškovi u iznosu 50.207,80KM koji se odnose na troškove plata i iskazani su u Izvještaju nisu bili predmetom odluke o odobravanju sredstava.

Preostala planirana sredstva u iznosu od 50.000,00 KM predstavljaju finansijsku pomoć JU Opća bolnica Tešanj za pokriće dijela materijalnih i nematerijalnih troškova koji su u funkciji sprečavanja širenja virusa COVID-19 i liječenja COVID-19 pozitivnih pacijenata, a prema prioritarnim potrebama koje će utvrditi ova zdravstvena ustanova, nakon usvajanja Programa.

2. Finansijska sredstva za pokriće dijela troškova koji su u funkciji sprečavanja širenja virusa COVID-19 u domovima zdravlja na području Zeničko-dobojskog kantona- planirana sredstva 400.000,00 KM

Planirana sredstva zdravstvene ustanove (domovi zdravlja) će koristiti za pokriće troškova nabavke brzih AG testova, transportnih podloga i potrošnog materijala za testiranje, zaštitne opreme, dezinfekcionih sredstava i ostalih materijalnih troškova koji su u funkciji sprečavanja širenja virusa COVID-19 i provođenja vakcinacije, a koji se odnose na 2022. godinu.

Odobrena sredstva zdravstvenim ustanovama mogu se koristiti za pokriće troškova angažovanja uposlenih u Covid ambulantama i na procesu vakcinacije, uz uslov da se na ovaj način može pravdati maksimalno 50% odobrenog iznosa.

U skladu sa kriterijima navedenim u uvodnom dijelu u sljedećoj tabeli je dat pregled opredijeljenih sredstava po svim zdravstvenim ustanovama primarne zdravstvene zaštite:

Naziv zdravstvene ustanove	Linearni iznos sredstava	Iznos sredstava srazmjerno broju stanovnika	Ukupan iznos sredstava
1	2	3	4 (2+3)

Dom zdravlja Breza	10.000,00	10.455,00	20.455,00
Dom zdravlja Doboj Jug	10.000,00	3.210	13.210,00
Dom zdravlja Kakanj	10.000,00	29.020,00	39.020,00
Dom zdravlja Maglaj	10.000,00	17.685,00	27.685,00
Dom zdravlja Olovo	10.000,00	7.150,00	17.150,00
Dom zdravlja Tešanj	10.000,00	34.615,00	44.615,00
Dom zdravlja Usora	10.000,00	4.960,00	14.960,00
Dom zdravlja Vareš	10.000,00	5.930,00	15.930,00
Dom zdravlja Visoko	10.000,00	30.560,00	40.560,00
Dom zdravlja Zavidovići	10.000,00	27.440,00	37.440,00
Dom zdravlja Zenica	10.000,00	85.570,00	95.570,00
Dom zdravlja Žepče	10.000,00	23.405,00	33.405,00
Ukupno	120.000,00	280.000,00	400.000,00

Navedena finansijska sredstva bit će transferisana zdravstvenim ustanovama, nakon usvajanja Programa, donošenjem odluka Vlade Zeničko-dobojskog kantona o odobravanju sredstava, kojim će biti definisana vremenska dinamika transferisanja sredstava, kao i obaveze zdravstvenih ustanova.

3. Finansijska sredstva za pokriće dijela materijalnih i nematerijalnih troškova koji su u funkciji sprečavanja širenja virusa COVID-19 u JU Institut za zdravlje i sigurnost hrane Zenica- planirana sredstva 50.000,00 KM

Planirana sredstva predstavljaju finansijsku pomoć JU Institut za zdravlje i sigurnost hrane Zenica za pokriće materijalnih troškova koje je ova zdravstvena ustanova imala u 2022. godini, a koja su u funkciji sprečavanja širenja virusa COVID-19 i provođenja vakcinacije, kao i troškova angažovanja uposlenih na sprečavanju širenja virusa COVID-19 i procesu vakcinacije, uz uslov da troškovi angažovanja uposlenih mogu predstavljati maksimalno 50% ukupno odobrenog iznosa.

PREMIJER

Mirnes Bašić

Broj: 02-_____ /22

Datum, 25.08.2022. godine

Z e n i c a

DOSTAVLJENO:

1x Ministarstvo zdravstva,

1x Ministarstvo finansija,

1x a/a.

